

滑縣志卷九

人物

昔人譏志非史例不宜泛徵人物南軒先生則謂有關獎勸二說不同然名流遺跡凡一邱一壑後之人尙表而出之以爲里閭榮矧名言大節炳若日星足以垂範後禩反聽其湮沒不彰乎滑爲河朔名區自漢以下代不乏人獨是舊志所載頗多借材之病如趙咨係東郡燕人賈琮係東郡聊城人王觀係廩邱人程昱係東阿人魏浚亦東阿人汲固係梁城人韓

宏韓充韓公武劉元佐俱匡城人茲皆刪去其他無  
確據者則仍之以俟博雅云

漢

汲黯字長孺濮陽人也以父任孝景時爲太子洗馬  
以莊見憚武帝卽位黯爲謁者東粵相攻上使黯往  
視之不至至吳而還報曰越人相攻固其俗然不足  
以辱天子之使河內失火延燒千餘家上使黯往視  
之還報曰家人失火比屋延燒不足憂也臣過河內  
河內貧人傷水旱萬餘家或父子相食臣謹以便宜

持節發河內倉粟以賑貧民請歸節伏矯制臯上賢而釋之遷滎陽令黯恥爲令病歸拜中大夫以數諫不得久留內遷爲東海太守歲餘大治召爲主爵都尉時天子方招文學儒者上曰吾欲云云黯對曰陛下內多欲而外施仁義奈何效唐虞之治乎上怒變色退謂人曰甚矣汲黯之戇也黯多病嚴助請告上曰汲黯何如人也曰使黯任職居官亡以逾人然其輔少主守成招之不來揮之不去雖自謂賁育亦不能奪之矣上曰然古有社稷之臣至如汲黯近之矣

上每不冠不見其見敬禮如此後拜爲淮陽太守治淮陽十歲而卒舊志歸葬滑城東有墓崇祀鄉賢

尹齊淮陽都尉門無私謁病死家直不滿五十金祀鄉賢

三國

陳宮字公臺

三國志東郡人

剛直壯烈少與海內知名之士

皆相結連及天下亂始從曹操後自疑去乃從呂布爲布畫策布每不從其計下邳敗宮被執操謂曰公臺平生自謂智計有餘今竟何如宮指布曰不用宮

言以至於此若其見從未可量也趨出就戮

晉

成公綏字子安幼而聰敏博涉經傳性寡欲不營資  
產家貧歲飢晏如也少有俊才詞賦甚麗閑默自守  
不求聞達時有孝烏集廬舍綏謂其有反哺之德以  
爲祥禽乃作賦以美之張華雅重綏每見其文嘆服  
以爲絕倫薦之太常徵爲博士厯秘書郎轉丞遷中  
書郎所著詩賦雜筆十餘卷行於世

成公簡字宗舒

晉書東  
郡人

家世二千石性樸素不求榮

利潛心味道罔有干其志者默識過人張茂先每言  
簡清靜比楊子雲默識擬張安世官至太子中庶散  
騎常侍

張閣字子臺爲永甯太僕與杜恕善恕家戒嘗稱之  
曰張子臺視之似鄙樸然其心中無物不知天地間  
何者爲美何者爲好敦然似與陰陽合德者作人如  
此自可不富貴患難從何來

隋

韓擒虎字子通父雄以武烈知名仕周至大將軍擒

虎少慷慨以膽畧見稱又好書經史百家皆畧知大旨仕隋以功爲部督遷和州刺史開皇初高祖有吞并江南之志以擒虎有文武才夙著威名於是拜爲廬州總管委以平陳之任甚爲敵人所憚及大舉伐陳以爲先鋒擒虎帥五百人宵濟襲采石進姑熟半日而拔及陳陳將任蠻奴爲賀若弼所敗棄軍來降擒虎以精騎五百直入朱雀門眾皆散走遂平金陵執陳主叔寶進位上柱國其後突厥來朝上謂之曰汝聞江南有陳國天子乎對曰聞之上命引突厥詣

虎前曰此是執得陳國天子者虎厲然顧之突厥不敢仰視有威容如此別封壽光縣公食邑千戶拜涼

州總管俄徵還無何卒子世諤嗣侖儻有父風

按隋書北

史以避唐諱改擒虎為禽皆云河南東垣人舊志云有墓在邑之小韓村且久入鄉賢未便刪去

唐

劉政會潯州人隋大業中為太原鷹揚府司馬以兵

隸高祖累功封邢國公轉洪州都督卒太宗以其有

殊勲葬宜異等贈民部尚書諡曰襄

墓在延津胙城

劉奇政會次子長壽中為天官侍郎蕭張鷟司馬



爲監察御史二人詣謝奇正色曰舉賢本無私何謝  
爲聞者皆愧後爲酷吏陷害

劉崇龜字子長滑州人政會七世孫舉進士累官靖  
海軍節度使廣有大賈約倡女夜集而它盜殺女遺  
刃去賈入倡家踐其血乃覺乘扁亡吏跡捕賈不承  
崇龜饗軍悉集宰人至日入乃遣陰以遺刀易其一  
雜置之詰旦羣宰取刀一人曰是非我刀問之得其  
主名往視則亡矣崇龜取它囚殺之聲言賈也亡何  
宰歸捕詰具服其精明類此

劉崇望字希徒滑州人崇龜弟舉進士僖宗幸山南  
王重榮怨宦豎不肯率職崇望以諫議大夫持節往  
陳君臣大義重榮順服請誅朱玫自效使還稱旨擢  
翰林學士累官劍南東川節度使同平章事進尙書  
左僕射遷兵部尙書卒贈司空

劉崇魯字效文崇龜弟舉進士擢右補闕翰林學士  
景福中以水部郎中知制誥時昭宗以李磻爲相墨  
麻出魯大哭問之對曰磻奸邪依附宦官相雖乏人  
豈宜取僉王爲之磻由是不得相著有芸窗箋忠孝

錄節義傳等編行世入祀鄉賢牛市屯劉姓卽其後  
王恭少篤學教授鄉間弟子數百人貞觀初召拜大  
學講三禮別爲義證甚精博蓋文懿文達皆當時大  
儒每講徧舉先儒義而必暢恭所說焉

崔日用擢進士第爲芮城尉累遷監察御史兵部侍  
郎修文館學士以誅韋氏功授黃門侍郎參知幾務  
封齊國公奏言太平公主逆節帝欲誅之恐驚上皇  
日用曰庶人之孝承順顏色天子之孝惟安國家定  
社稷請先安北軍而後捕逆黨於太上皇固無所驚

帝納之遂以討逆功進吏部尙書後徙并州長史卒  
并人懷其惠吏民數百編服送喪謚曰昭贈荊州大  
都督

崔日知日用從兄孤貧力學擢明經至兵部員外郎  
爲朔方判官以健吏稱遷洛州司會醮王重福之變  
官司逃日知獨率吏卒助屯營擊賊以功加銀青光  
祿大夫畧官太常卿兄弟皆以文學知名

崔良佐日用從弟擢明經甲科補湖城主簿以母喪  
遂不仕治詩易書春秋讓演範志象渾天等論數十

篇隱共北白鹿山之陽卒門人共諡曰貞文孝父

崔宗之日用子襲封齊國公好學寬博有風檢李白  
賀知章等爲八仙之遊杜甫爲賦飲中八仙歌由侍  
御史謫官金陵與白詩酒唱和常月下乘舟自采石  
達金陵

崔鵬字元翰良佐子舉進士博學宏辭賢良方正皆  
異等召拜禮部員外郎竇參秉政引知制誥其訓詞  
溫厚有典誥風罷爲比郎中其好學至老不倦用思  
精緻馳騁班固蔡邕間年七十餘卒

盧懷慎范陽著姓祖慙仕爲靈昌令遂爲縣人懷慎在童丱已不凡及長第進士累官至紫微黃門平章事兼吏部尙書卒贈荊州大都督諡曰文成遺言薦宋璟李傑李朝隱虞從愿帝悼歎之懷慎清儉不營產服器無金玉文綺之飾雖貴而妻子猶飢寒所得祿賜於故人親戚無所計惜隨散輒盡開元中拜相元宗諭之曰朕用卿坐鎮雅俗耳以疾歸宋璟虞從愿候之見蔽簣單藉門不施箔會風雨至舉席自障日晏設食蒸豆兩器茶數杯而已臨別執二人手曰

上求治切然享國久稍倦於勤將有僉人乘間而進  
矣公第志之及治喪家無留儲四門博士張星上言  
懷慎忠清以直道始終不加優錫無以勸善乃下制  
賜其家詔官爲立碑令蘇頲爲文帝自書焉

盧奐懷慎子早修整爲吏有清白稱歷御史中丞出  
爲陝州刺史開元二十四年帝西還次陝嘉其美政  
題贊於廳所曰專城之重分陝之雄亦旣利物內存  
匪躬斯爲國寶不墜家風尋召爲兵部侍郎天寶初  
爲南海太守南海水陸都會物產瓌怪前守皆以賊

水滸志 卷九 八  
敗奐至汚吏斂手中人之市舶者亦不敢干其法遠  
俗爲安時謂自開元後四十年治廣有清節者宋璟  
李朝隱奐三人而已終尙書右丞

盧奕懷慎少子疎眉目豐下謹重寡欲斤斤自修與  
兄奐名相上下而剛毅過之天寶初爲鄆令所治輒  
最積功擢給事中拜御史中丞自懷慎奐奕三居其  
官清節似之時傳其美俄留臺東都兼知武部選安  
祿山陷東都吏亡散奕前遣妻子懷印間道走京師  
自朝服坐臺被執將殺之卽數祿山罪徐顧賊徒曰



爲人臣當識逆順我不蹈失節死何恨臨刑西向再拜而辭罵賊不空口肅宗詔贈禮部尙書諡貞烈

盧元輔字子望奕孫杞子少以清行聞擢進士拜左拾遺歷杭常絳州刺史課當最官兵部侍郎爲華州刺史卒元輔端靜介正能紹其祖人不以杞之惡爲

累云

李元紘字大綱早修謹仕爲雍州司戶參軍時太平公主與民競碾磴元紘還之民長史竇懷貞大驚趨改之元紘大署判後曰南山可移判不可搖也開元